

Testement de Joseph Bayle de  
Montauban

Au nom de dieu, scaient tous que  
au jourd'huy **septiesme** du mois de **fevrier an mil cinq  
cens soixante huict** regnant prince tres crestien charles  
par la grace de dieu roy de france en la cité royal de  
montauban en quercy et dans la **maison de Joseph  
Bayle** h(abi)tant dud(it) montauban en presences de moy  
not(air)e royal et tesmoingz soubz escriptz (e)stably en  
[per]sonne led(it) **Joseph Bayle estant malade au lict  
d( )une blessure d'aquabousade a( )la( )jambe dextre**  
estant en ses bon sens e(t) memoire bien voyant  
oyant [par]lant et cognoissant lequel de son gré a  
faict et( )ordonné son testement e(t) derniere volonté  
en ceste sorte en p(re)mier a( )invoqué le nom de dieu  
sur luy le priant que [par] sa tres( )grand misericorde  
amour e(t) dilection et mort et passion de son filz bien  
aymé j(e)hu(s) c(h)rist luy voloist [par] donner ses offences et  
le recepvoir au nombre des bien heureux a( )la( )vie eternelle  
et a volu led(it) testateur apres son decès son corps  
estre encepvely au distroict et terroir **ou cy devant  
souloit estre le [con]vent des augustins de mo(n)tauban**  
ou autre plus [pro]chain cimetièrre ou il trespas[ser]a  
et( )ses **funerailles** estre faictes **selon l( )ordre  
de l( )eglise c(h)restienne et reformee** item a dict et

.....  
xvj

[con]fessé avoir reallement receu en doaire de( ) **Jehan  
Seguy pere de bonne de Seguy sa femme** la somme  
de troys cens livres to(u)rn(ois) laquelle somme a( ) volu  
e(t) veult led(it) testateur estre rendue a sad(ite) femme  
apres son decès avec l'augment suyvant la  
co(u)stume de montauban qu( )est cent cinquante livres  
to(u)rn(ois) si ne y a enfans dud(it) mariage et outre  
veult e(t) donne [par] droict de institu(ti)on a sad(ite) femme  
la somme de cent livres t(ournoi)z tant seullement  
une fois payable encores que y eust enfans  
et avec ce l'a faict son heretiere [par]ticuliere  
que ne puisse rien plus demander en ses biens  
en propriété item plus veult e(t) ordonne led(it)  
testateur que sa femme puisse prendre e(t) retirer  
tous ses vestemens et acoutremens bagues et  
joyeaulx qu'elle a et luy sont esté donnés par  
Jehan Seguy son pe(re) et par le testateur et  
oultre ce aussi donne et legue a( )ladite) bonne de Seguy

sa femme tous les fruitz et revenus de ses biens  
biens et heredité tant qu( )elle vivra viduellement  
estant vefve tant seulement item a donné et  
legué donne et legue a **loys et ramond bayles**  
**de la [par]oisse de gas[ser]as** juridiction dud(it) mo(n)tauban  
**cousins germains du testateur** ]tø[ troys pieces  
de terre labouratisse a[par]tenans au testateur assizes  
en la [par]roisse de **verlhac** que font le cens( )que des  
fruitz aux heretiers de feu jehan martel bo(u)rgeois  
dud(it) montauban po(ur) desd(ites) troys pieces de terre

---

f(air)e a leurs volontes et avec ce les a faictz ses  
heretiers [par]ticuliers que ne puyssent rien plus  
demander aux biens du testateur. item a donné et legué  
donne et legue a ( )**guillaume bayle voicturier** dud(it)  
montauban **filz de feu gaillard et cousin germain du**  
**testateur** une piece de vinhe assize au terroir  
de campagnes juridiction dud(it) mo(n)tauban confron(tant)  
avec la vinhe de m(aîtr)e aymery pegorier de licen(cier) et  
de jehan nadal cordoanier plus une piece de  
terre [con]tenant envyron troys emynees mesure  
du(it) mo(n)tauban assize au terroir de rouges  
confrontant avec les terres des heretiers de  
feu jehan martel et terres des hugonetz de gas[ser]as  
po(ur) desd(ites) pieces de vinhes et terre et fruitz d( )icelles  
apres le deces du testateur faire et jo(u)yr  
a ses volontes et avec ce le faict son heretier  
[par]ticulier que ne puisse rien plus avoir ny  
demander en ses biens. item a donné et legué  
a **lucye gayrarde femme du susd(it) guill(aum)e bayle**  
po(ur) et( )en recompence des agreables s(er)vices qu'elle  
luy a faictz et( )espere que luy fera la somme de  
cinquante livres to(u)rn(ois) une foys seulement payables  
apres son deces et avec ce l'a faicte son heretiere  
[par]ticuliere que ne puyssent rien plus demander en  
ses biens / et en tous et( )ch(ac)uns ses autres biens  
meubles e(t) immeubles droictz et actions quelconques  
p(rese)ns et advenir a led(it) testateur faict et faict son  
heretier universel **ramond bayle son fraire** lequel

---

xvij

il a nommé de sa bouche par lequel a vo(u)lu e(t) veult  
ses debtes estre payées po(ur) desd(its) biens faire a ses  
volontés demeurant jo(u)yssante des fruitz sad(ite) femme  
tant que demeurera vefve ./ et en apres a( )dict  
aussi led(it) testateur qu'il donoit et legoit au bassin  
des pouvres de( )l( )egl(is)e reformée de montauban et

[con]cistoire d'icelle la somme de dix livres to(u)rn(ois)  
une foys paiable plus a donné et legue donne  
et legue a **ramonde garrigues femme de pierre  
crusel brassier** de montauban la somme de  
trente livres to(u)rn(ois) une fois payable seullement  
et ce en recompence des services q(ue) luy a faictz  
e(t) espere que luy fera et avec ce l'a faicte  
son heretiere [par]ticuliere que ne puyse rien  
plus demander en ses biens ./ et ce p(re)se)nt  
a vo(u)lu et veult estre son dernier e(t) valable  
testement ou codicille ou donation a cause de  
mort et autrement en la meilleur(e) forme que  
droict pourra valoir cassant revoquant et  
anullant tous autres testemens codicilles donations  
et dispos(i)tions que cy devant il a ou pourroit  
avoir faictz le present demeurant valable et  
a pries les tesmoingz cy apres nommés ( qu'il  
a dict cognoistre ) de ce vo(u)loir estre recordz et  
en porter tesmoniage a temps et lieu et a( )moy  
not(air)e en rettenir instrument ce qu'ay faict  
en p(re)se)nces de sy(r)es pierre de furno pierre  
saint ylaire merchans pierre vincens bouchier

.....  
bernard laval cordoanier anthoine albrespy cardeur  
phelipes laval cordoanier de montauban dominique  
roays bouchier de corbarieu anthoine vilaneve  
vieulx de saint ]leofaire[ leophaire lesquels  
se sont soubz signés et les autres ne scavent  
escrire / J. de baylé testateur . p de furno tesmoing  
p de saint ylaire tesmoing / pierre vincens /  
roays tesmoing ainsi signes a( )la note originele  
et de moy bernard massipi not(air)e royal dud(it)  
montauban qui requis ay rettenu instrument et  
me suys soubz signé /

Massipi, not(air)e